



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

González Téllez, Emanuel

Francofurti Ad Moenum, 1690

Caput II. Alex. III. (a) Archiepiscopo.

[urn:nbn:de:hbz:466:1-74533](#)

Matiens in rubric. tit. 5. lib. 5. recopil. qui docuerunt, textum in d. cap. admonere, non habere locum in uxore. Similiter dicendum est, praesentem textum locum habere in marito machinante in necem uxoris, cum eadem ratio militet, argumento legis illud ff. ad l. Aquil. expresserunt autem PP. casum mulieris machinantis, quia insidie frequenter ponuntur ab uxore; cum enim natura debiles sunt, cap. foras, de v. s. quod non possunt aperto marte aggredi, insidiis, beneficiisque procurant. Facit Quinil. lib. 5. Inst. tit. de argument. ibi: Profert latrocinium faciliter in viro, beneficium in femina. Illustrat Tiraquel. in l. 8. coniub. num. 19. Secunda partis hujus textus, ubi docetur, maritum posse dimittere uxorem machinantem in ejus necem, ratio provenit ex eo, quia nemo tenet satisfacere ei, qui obligatus est cum probabili vita periculo, cap. offici, de penit. & remis. latè probant D. Thomas 2. 2. quæst. 129. art. 1. Sotus lib. 4. de just. quæst. 61. Covarr. irregul. Peccatum, 1. p. à num. 3. Gutierrez in practic. quæst. 38 per totam. Unde casu quo alter ex conjugibus in alterius necem machinatur, datur magnum vita periculum, cum à clandestinis & domesticis fraudibus nemo se possit tueri, l. data 27. C. de donat. Ideò tunc conjugi innocentio permittitur divortio factio alium deferrere.

Nec obstat dubitandi ratio suprà expensa, cui ut satisfaciat Praepositus in præsentia, affirmat in hoc textu mulierem privari spe conjugii, non tantum propter machinationem, verum etiam propter homicidium sequutum, cum ipsa causam dedit: quæ solutio sustineri minime potest; nam in hoc textu tantum de machinatione agitur, non verò ulla homicidii mentio fit. Quare eā solutione omisā, verius dicendum est, machinationem uxoris in præsenti casu non fuisse tantum internam, & mente retentam, sed potius ad actus externos executioni primo redactam, ut constat ex illis verbis, se defendendo; unde recte potuit uxor privari matrimonio præsentiā & alterius spe; quia conatus, qui reducitur ad actum proximum, & immediatam, æquali pena punitur, ac si delictum esset perfectum, & consummatum, quale est homicidium, de quo in præsenti, l. si quis non dicam, C. de Episc. & cle-

ric. l. si quis telo, C. ad leg. Cornel. de sicariis, cap. 1. de homicid. in 6. docent laic. Covarr. in Clement. si furiosus, 2. p. in princip. Julius Clarus lib. 5. sentent. §. final. quæst. 92. Tiraquel, de penit. tempor. casu 38. alii relati à Cevallos in prat. quæst. 540. Unde facile solvitur argumentum ipsius dubitandi rationis, deductum ex cap. 1. & toto titulo de eo qui duxit in matrem. ubi varius casus referuntur, in quibus ob adulterium, machinationem in necem viri, seu fidem datam de futuro matrimonio, nascitur impedimentum dirimens: in præsenti autem deciditur diversus casus, videlicet cum machinatio uxoris ad actuum proximum pervenit, adeò ut maritus se defendendo insidiantem occideret; idè si viri patricidio sequutu uxori privanda erat spe conjugii, ex d. cap. interfectores, cap. admonere 33. quæst. 2. ita similiter propter dictam machinationem ad actuum externum, & proximum deductam, eadem pena punienda est. Nec obstat alia difficultas deducenda ex d. cap. 2. de penit. cui ut satisfaciat Glossa in præsenti, verbo Voluerit, affirmat in hoc textu ideo maritum posse aliud matrimonium contrahere, quia homicidium ab eo commissum non fuit voluntarium, sed necessarium, causâ defensionis, quod impunè committitur, l. ut vnu. ff. de justitia & jure: dicimus infra in cap. 3. de homicid. quæ solutio sustineri non potest, quia ex ea sequeretur absurdum, videlicet, quod si homicidium hoc voluntarium fuisset, privaretur maritus spe conjugii, contra textum in cap. 2. hoc titul. Nec Glossa favent illa verba, se defendendo; nam omisâ opiniione Praepositi hic, assertentis in præsenti reponendam esse dictiōnē maximè, verius dicendum est, argumentum à contrario sensu deduci non posse, cum sequitur absurdum, argumento textus, ubi notant DD. in l. 1. ff. de officio ejus. Quare verius respondendum est, textum in d. cap. 1. specialiter procedere in homicidio Presbyteri, ex quo resultat impedimentum, quod impedit, et si non dirimat matrimonium, ut docent Glossa hic, in d. cap. 2. verbo absque spe, quam sequuntur Navarr. in Manual. d. cap. 22. num. 74. Covarr. de marri. 2. p. cap. 6. in princip. num. 5. Henriquez lib. 12. de marri. cap. 2. §. 1. ad finem, & eam firmat textus disertus in l. 14. tit. 2. p. 4.

C A P U T II.

Alex. III. (a) Archiepiscopo.

QUæsivit à nobis tua fraternitas, utrum mulier pro latrocínio, aut quolibet alio crimine à viro suo debeat separari, & alii nubere: & de viro simili modo quæstionem proposuisti, & utrum pro quolibet flagitio possit à conuge dividi, & aliam sibi legitimè matrimonio copulare. Nos itaque taliter duximus respondendum, quod mulier pro furto, vel alio crimen viri sui, nisi ipse eam ad maleficia sua trahere natur, & fidei sua religionem corrumpere velit, non deber ab ea separari, nec alii aliqua ratione copulari. Verum si coniugem suam ad (b) maleficium (c) traxerit, mulier à viro recedere poterit, & separari, ita quod ei alii nubere non licebit, quia licet separentur, tamen semper conjuges erunt. In viris quoque præsenti sententia forma servetur.

N O T A E.

(a) **A** Archiepiscopo. Ita etiam legitur in prima collectione, sub hoc titul. cap. 1, sed nec ubi

in præsenti, nec in cap. quæsivit, de v. s. ubi, ni fallor, extat alia pars hujus Decretalis, exprimitur cui Archiepiscopo rescribat Alexander. Post Concilium autem Lateran. p. 50. cap. 22.

ubi

ubi reperitur textus hic, tantum legitur, *Idem eidem*, & in capite antecedenti habetur, *Episcopo Carnotensi*. Unde non improbabiliter dici potest, Alexandrum in praesenti eidem Prelato describere.

2. (b) *Maleficum ad errorem traxerit, & maleficium.*] Habetur in d. cap. 22. Concil. Later. & Ad infidelitatis maleficium, in hac sexta collectione: sed etsi maleficii nomen sit generale, tamen consuetudine loquendi, pro magno, & improbissimo facinore, ubi contra fidem, ac religionem peccatur, accipitur, cap. 14. 26. q. 1. s. & 7. C. de maleficiis: ut in earum commentario notavit Albertus Gentilis: & ita in praesenti, pro adulterio spirituali, cum vir peccat contra fidem, & religionem catholicam, & trahere intendit conjugem ad eundem errorem, accipendus textus hic, contra communiter repetentes.

4. (c) *Traxerit.*] Hinc deducitur, non sufficere ad separationem faciendam, quod conjux incidat in haeresim, sed desideratur ut talis haeticus inducat, trahereque intendat conjugem ad haeresim: quo principio admiso, nulla datur differentia quoad esse etiam divorti, de quo agimus, inter crimen haeresis, & alia delicta: quia etiam quando conjux inducit conjugem ad patranda alia delicta, separantur coniuges, ut infra dicemus. Sed respondentum est huic difficultati, quod in aliis criminibus requiritur actus positivus, nempe ut conjux alterum positivè inducat ad illa crimina perpetranda; & sic procedit praesens textus. At vero in crimen haeresis talis actus positivus non requiritur ad hoc ut possit fieri separatio, quia eo ipso, quod est haeticus, suo malo exemplo alterum presumptivè trahit ad infidelitatem, & ita datur magnum periculum, quia haeresis est crimen admodum contagiosum, praserit respectu domesticorum, argumento capitis resecanda, 24. q. 3. Et ita sensus hujus textus est, quod nullo crimeni unius conjugis potuit fieri separatio matrimonii, nisi conjux per actum positivum alium inducat ad illa crimina perpetranda: propter crimen tamen haeresis potest fieri separatio, quamvis positivè alterum ad haeresim non inducat, quia presumptivè, attenta natura talis criminis, cum inducit & trahit ad illud crimen.

COMMENTARIUM.

4.
Conclusio
traditur
& proba-
tur.

EX hoc textu juxta supradicata interpretationem sequens deducitur assertio: *Coniuges propter alterius crimen non separantur, nisi spiritualiter fornicentur;* & tunc eis etiam separatis durat vinculum. Probant eam textus in cap. conjugio, 32. q. 1. cap. si uxorem, cap. praecepit, cap. preceptum 32. q. 5. cap. omnes 32. q. 7. cap. de illa, cap. quanto, cap. final. hoc tunc cap. final. de converso conjugio, cap. final. de haeticis. Trident. sess. 24. de matrimonio, cap. 5. legez. tit. 10. partit. 4. illustrant D. Thomas in 4. distinc. 39. q. unic. art. 6 ad 3. Sylvester in summa, verbo Matrimonium 8. q. 10 & verbo Divortium, q. 1. Petrus Barb. in rubric. solut. matrim. 2. p. n. 30. Sanchez de marrim. lib. 10. disput. 17. à num. 5. cum seqq. Basilius cod. tract. lib. 9. cap. final. Forner. lib. 6. rerum quotid. cap. 23. Cujac. & Canisius in praesenti, Thom. Hurcado tom. 2. de resid. resol. 5. fol. 199. Borell. tom. 3. tit. 3. num. 78.

5.
Impugna-
tur.

Sed pro dubitandi ratione in praesentem assertione ita insurgo. Juxta doctrinam Christi Do-

mini relatam à D. Matthæo cap. 5. & 19. non licet turba dimittere uxorem, nisi ob causam fornicationis, ita quod recepta illa causa regula negativa concipienda sit, ut docet Pontifex in cap. 2. de conjug. lepros. ergo nec ob haeresim, aut aliud peccatum grave, etiamsi ad illud intendat conjux conjugem pertrahere, licet uxorem dimittere. Et si dicas, in haeresi committi adulterium spirituale, obstat, quod in quolibet peccatum fornicatio spiritualis commititur. cap. idolatria 28. q. 1. Igitur aut propter quodlibet peccatum mortale matrimonium dissolvi potest, aut propter haeresim ditimi nequit. Augetur haec difficultas ex cap. quanto, hoc titul. ubi expresse probatur, propter haeresim alterius conjugum non dissolvi matrimonium.

Qua dubitandi ratione non obstante, vera est praesens decisio, quæ cum triplicem continet partem, triplici nititur ratione. Prima pars, in qua cavitur, coniuges propter alterius crimen separandos non esse, ea fulcitur ratione, nam si ob quodlibet peccatum divortium fieri posset, ferè omnia matrimonia dissolventur, cum nullus sit qui sine crimen vivat, cap. annua, vers. Nonnino, 25. distinc. 1. tit. 5. part. 1. docent D. Iohannes 3. p. q. 59. art. 6. Speculum Conjug. 2. p. art. 1. num. 3. quod limitatur, si maritus sit latrocinii dectus, quia tunc ne receptratrix videatur, ut talisque tenetur, ex 1. i. C. de receptatoribus, potest tunc uxor securitati sua consulendo maritum deserere: docent Barb. ubi supra, num. 22. Sylvester ubi proxime. Ex Constantini constitutione relata in 1. i. C. Theodosie repud. 18. repudium permittebatur ob tria crimina in vitro, videlicet si homicida, maleficus, aut sepulchrorum violator esset; in uxore, si adultera, si malefica, si incantatrix esset; quam exponit & illustrat Gothofredus ibi. Secunda pars hujus decisionis, ubi astrictur, propter haeresim, in quam lapsus est alter ex conjugibus, licet divortium fieri, ratio provenit ex eo, nam si cum adeat vita periculum alterius conjugis, divortium licet sit, ex traditio superiori commentario; multò majori ratione fieri debet propter anima periculum, cap. si habes, in fine, 24. q. 3. docet Barb. d. 2. p. num. 30. Accedit, nam Haeticci omnino sunt fugiendi, quia cum illis communicans suspectus redditur de haeresi; ideoque illis purgatio canonica indicenda est, ut docent Sarmiento lib. 1. select. cap. 1. n. 10. Castro lib. 2. de haeticis, punit. cap. 2. Simancas de catholice, cap. 11. Unde Sanctus Leo Papa in epist. ult. ita aejebat: Hos ergo, de quibus agimus, tanquam venenum mortiferum fugite, & ab eorum colloquis, si increpati a nobis corrigi noluerint, abstinet: quoniam sicut scriptum est, sermo serpit ut cancer. Unde constat consuetudinem, & familiaritatem cum haeticis esse fugiendam, quia malorum consortia saepe bonorum mores corruptunt, cap. saepe malorum, 8. q. 1. Caterum conjux fidelis potest etiam abire propria auctoritate a conjugi lapsu in haeresim, quia sola desertio fidei praebet causam sufficientem divortio, cap. de illa, hoc tutulo. Tertia ratio, quare videlicet propter haeresim non fiat separatio matrimonii quoad vinculum, provenit ex eo, quia apud Catholicos nulla ex causa matrimonii consummati divortium potest fieri quoad vinculum, ut probavit supra in cap. 1. & docent Covarr. de matrim. 2. p. cap. 7. num. 5. & 8.

Nec obstat dubitandi ratio supradicata; nam

nam potius verum est, ultra casum fornicationis permisum esse divortium ex aliis causis, ut probavi suprà in cap. 1. Nec contrarium probatur ex loco D. Matthæi; nam ibi tantum agitur de divortio absoluto ex se, & natura sua ad vitam conjugum duraturo; ita ut per unicum actum adulterii uxor remiserit totum jus quod in matrimonio habebat, adeò ut eam, quantumcumque emendata, ipse admittere non teneatur, ut dicemus in cap. si vir, de adulterio, non tamen exinde sequitur, non posse dari alias causas, ob quas fiat divortium temporale, hoc est, ut duret per illud tempus, quo prædicta causa duraverit. Unde licet propter lepram, sævitiam, furorem, aut similem causam, matrimonium dissolvatur quoad thorum, seu cohabitationem; resipiscere tamen, aut sano marito, matrimonio instauratur. An idem procedat eo casu, quo ob hæresim separatur matrimonium, & ea abjurati lapsus Ecclesiæ reconcilietur, disputant Covarr. de matrimonio. 2. p. cap. 7. §. 5. Castro de justa heretic. punic. c. 7. P. Barb. in rubric. solvit. matrimonio. 2. p. num. 19. Sanchez lib. 10. de matrimonio. disp. 15. anum. 18. Nec oblat, quod dicebamus, in quolibet peccato lethali dari fornicationis spiritualem. Nam respondeo, nomen fornicationis in significacione litterali non nisi carnali turpitudini convenire: cetera vero peccata in magis remota significacione, per metaphoram scilicet, appellantur spirituales fornicationes, ob quæ non licet matrimonium separare, licet ob hæresim, quæ propriè

spiritualis fornicatio est, licet ob periculum perversionis ex mutua communione. Nec tandem obstat textus in d. cap. quarto: nam loquitur in eo Innocentius de matrimonio infidelium, quod dissolvi potest quoad vinculum, quando unus ex conjugibus convertitur ad fidem, & alter non vult cohabitare absque contumelia Creatoris; quia tunc etiam quoad vinculum dissolvitur matrimonium, cap. gaudemus, de divortiis, ubi plura Balboa.

Sed suprà traditis aperte obstat textus in c. I. de convers. infidel. prout illum transcriptus ex Expositur secunda collectione, in illis verbis: Idem siquidem juris in sequenti casu, quem proponere studuit no infidelis sit effet, cum christiano viro propter odium uxoris un.

Christum negante, & sibi copulante paganam, & ex ea filios procreante, christiana in opprobrium fecit Christi relata est, tamen assensu Archidiacorum suis ad secundas nuptias convolavit, & filios suscepit ex ipso: non enim videtur nobis, quod si prior maritus redeat ad unitatem ecclesiasticam, eadem à secundo debeat recedere. Ex quibus deducitur, quod per hæresim conjugis, seu lapsum in infidelitem, dissolvitur matrimonium quoad vinculum, adeò ut possit uxor catholica aliud matrimonium inire. Pro cuius difficultatis solutione dicendum est, Coelestinum III. in eo textu eam sententiam tenuisse, non illam diffiniendo ut summus Pontifex, sed ut privatus Ecclesiæ Doctor: quare cā omissa contrarium decrevit Innocentius in cap. quarto, hoc titulo, ubi notabimus.

CAPUT III.

Idem (a) Ambian. Episcopo.

Porrò de Comite Pontini, qui filiam Bern. de Sancto Valerico absque judicio (b) Ecclesiæ dimisit propterea, quia eam cognatam fuisse defunctæ uxoris proponit, hæc tua prudentia cognoscat, quod si etiam parentela esset publica, & notoria, absque judicio Ecclesiæ ab ea non potuit separari: quare ipsum ad eam recipiendam distictè compellas, & si eam recipere noluerit, eum & superinductam vinculo excommunicationis astringas: siqui autem apparuerint, qui matrimonium ipsum legitime velint & possint (c) impetrare, causam audias, & eam sine debito decidas. (d) Præterea de Ugone de Calcejo, qui filiam Alelini cognatam suam duxit uxorem, & hoc publicum est, & manifestum, nec appetat aliquis, qui matrimonium velit impetrare, id tibi respondemus, quod non (e) apparentibus accusatoribus, & parentelâ manifestâ & publicâ existente, quod credibile non est, nisi essent consobrini in primo, vel in secundo gradu, ecclesiastice auctoritatis interest matrimonia illa gravitate adhibitâ dissolvere, quæ illicite noscuntur contracta.

NOTÆ.

- I. (a) **Ambian.**] Ita etiam legitur in prima collectione, c. 3. & additur pars capituli quoad Sedem, ut cognoscamus, in præsenti referri partem textus in cap. quoad Sedem, de frigid. ad quam Decretalem etiam spectant textus in cap. ad hæc, de decimis, cap. sancti 3. de regular. & integra extat post Concil. Lateran. p. 50. c. 28. & 29. De Ambian. diœcesi egi in cap. unio. de cleric. peregr.

2. (b) **Judicio Ecclesiæ.**] Sententia videlicet Episcopi, qui olim in similibus causis cum consilio sui Capituli sententiam proferebat, cap. Episcopius 35. q. 7. cap. ex literis, de consanguin. & affin. cap. quād. cap. novit, de his quæ sunt à Prelat. Concil. Turon. 2. can. 7. In capitulis Hadriani Pontificis, c. 14. ita cæetur: Nec aliquis Episcoporum suorum sacerdotum causas audiatur absque presentia clericorum suorum. Quod judicium Episcopale D. D. Gonzal. in Decretal. Tom. IV.

dicitur in l. 9. C. de Episcop. and. Conventus Sacerdotalis, & sanctum judicium, in l. 45. C. Theodos. de Episc. & Cleric. notarunt Cironius ad ultimum qui matrimonio accusare, in fine, Cellotius de Eccles. Hierarch. lib. 4. cap. 12.

(c) **Impetrare.**] Lege impetrere, ut statim habetur.

(d) **Præterea.**] Verba quæ sequuntur extant in c. 9. de officio ordin. in 1. collect.

(e) **Apparentibus accusatoribus.** Immò sine legitimo accusatore non est aliquis puniendus, c. 1. de accusat. cap. de manifesta 2. q. 1. L. illicitas, ff. de officio Presid. ergo si in præsenti non aderant accusatores, qui matrimonium hoc impetrerent, judex ecclesiasticus sententiam divortii proferre non poterat, præcipue cum judex non debeat impari tibi officium suum ad privatam utilitatem, parte non petente, leg. 4. §. hoc autem, ff. de damno infect. leg. 1. §. Magistribus, ff. de Magistr. con-